


《楞嚴經大勢至菩薩念佛圓通章》補充講表

◎附表一：

◎學習《楞嚴經大勢至菩薩念佛圓通章》之因緣

※以下糅合諦閑大師於《大乘止觀述記》云：

「道心之發，實由欣厭；然眾生久在迷途，若無佛法常為薰習，欣厭即無從生起。」



※《八大人覺經》云：「乘法身船，至涅槃岸；復還生死，度脫眾生；以前八事，開導一切，令諸眾生，覺生死苦，捨離五欲，修心聖道。」

◎學習《楞嚴經大勢至菩薩念佛圓通章》的目的：分三

○甲一、不僅能夠斷疑生信，而且有助於般若智的增長（即轉識成智）

※《靈峰宗論》卷第二之五。【示閔大飛二則】云：「但有泮冰法，別無覓水法；有去翳法，無與明法；但願空諸所有，切勿實諸所無。所以熾然諸惡莫作，眾善奉行，乃至布施持戒，忍辱精進，修行五悔，習學諸禪，廣學多聞，研究法義，皆泮冰去翳，空諸所有。至冰執盡消，幻翳盡去，所有盡空，適復本有一念心性之全體大用，而別無心外一法可得。故曰：入於如來妙莊嚴海，圓滿菩提，歸無所得。（《楞嚴經》卷十）」

*古德云：「但求息妄，莫更覓真。」研究《念佛圓通章》的法義，乃至種種善法修持，即是「泮冰法，去翳法，空諸所有」，是能夠對治妄心的勝異方便。

※《靈峰宗論》卷第四之二。【妙安說】云：「夫煩惱火與智慧火，體一而異名者也。非煩

惱滅，而智慧生；以無智慧時，煩惱決不滅故。亦非智慧生，而煩惱滅；以有智慧時，煩惱已先謝故。如暗時無明，明時無暗；暗不障明，明不破暗。二法從不相到，以明暗無體，同以虛空為其體故。如是智慧、煩惱無體，同以心性為其體故。如火大，緣於糞境，臭氣逼人；緣於栴檀，馨香遠徹。心性亦爾，緣利為三塗，緣名為修羅；緣五常十善，為欲界人天；緣四禪四空，為色無色界；緣無漏偏真，為聲聞緣覺；緣六度萬行自利利他，為菩薩；緣於實相，則名為佛。夫心雖隨緣，具成十界，其性仍非十界；猶火隨緣，具有香臭，其性仍非香臭也。」

○甲二、能夠增長對淨土法門深信切願篤行之心。

◆信願的栽培，在於不斷的薰習。

※《靈峰宗論》卷第九之二·戒心戒方銘云：「悔過不如防過，惜福尤宜積福。佛法深妙

無窮，切勿自棄自局。若要熟處漸生，先須生處漸熟。」

○甲三、有助於自利利他的一切善法生起：所謂「心生則種種法生」。

※《靈峰宗論》卷第二之三（示巨方名照南）云：「諸法無性，盡隨心轉（內心迷悟的生起）。

心為名利，一切趨名利；心為菩提，一切趨菩提。」

○「楞嚴」——一切事畢竟而得堅固也。（以下糅合《楞嚴經文句》）

※《涅槃經》云：「首楞者，一切事竟。嚴者，堅固。一切畢竟而得堅固，名首楞嚴。」

◆言一切事者，所謂五陰六入十二處十八界，及七大本也。

◆言畢竟堅固者，所謂皆非因緣非自然，非和合非不和合。本如來藏，常住妙明，不動

周圓，妙真如性，皆悉清淨本然，周遍法界也。

○「大勢至」——梵語摩訶那鉢，此云大勢至。

※《法華經會義》卷一云：「得大勢，亦名大勢至。《思益經》云：【我投足之處，震動三

千大千世界，及魔宮殿，故名大勢至。】……觀心者：三止（體

真止、方便隨緣止、息二邊分別止）為足，投三諦地。動十法界，一切見愛所住之處，皆悉傾動。」

○今修念佛法門，當依大勢至菩薩所示：則一心不亂，念佛三昧，或可即得。

※《印光大師文鈔菁華錄》云：「念佛欲得一心，必須發真實心，為了生死，不為得世人謂我真實修行之名。念時必須字字句句，從心而發，從口而出，從耳而入。

一句如是，百千萬句亦如是。能如是，則妄念無由而起，心佛自可相契矣。」

※《印光大師文鈔菁華錄》云：「念佛，要時常作將死、將墮地獄想，則不懇切亦自懇切，不相應亦自相應。以怖苦心念佛，即是出苦第一妙法，亦是隨緣消業第一妙法。」

※《印光大師文鈔菁華錄》云：「念佛，心不歸一，由於生死心不切。若作將被水沖火燒，無所救援之想，及將死將墮地獄之想，則心自歸一，無須另求妙法。故經中屢云：思地獄苦，發菩提心。此大覺世尊最切要之開示，惜人不肯真實思想

耳。地獄之苦，比水火之慘，深無量無邊倍。而想水沖火燒則悚然，想地獄則泛然者，一則心力小，不能詳悉其苦事；一則親眼見，不覺毛骨悚然耳。」

○此乃合「返念念自性」，與「返聞聞自性」之二義而兼修者。

※《印光大師文鈔菁華錄》云：「向外馳求，不知返照回光，如是學佛，殊難得其實益。

孟子曰：【學問之道無他】，求其放心而已矣。汝學佛，而不知息心

念佛，於儒教尚未實遵，況佛教乃真實息心之法乎。（即制心不令外馳之

謂。編者敬注）觀世音菩薩，反聞聞自性。大勢至菩薩，都攝六根，淨念

相繼。《金剛經》，應無所住而生其心，不住色聲香味觸法而行布

施，乃至萬行。心經，照見五蘊皆空。皆示人即境識心之妙法也。若

一向專欲博覽，非無利益。奈業障未消，未得其益，先受其病矣。」